



19. jan. 10

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

1. **Meeqqat atuarfianni timersorneq pinngitsoorani atuartitsissutitut atuutilerteqqinnissaa Naalakkersuisut eqqarsaatiginerlugu?**
2. **Meeqqat atuarfiini atuartut peqqinnarnerusumik inuuneqalernissaanik timersornerulernissaannillu suliniuteqartup, ”Grønlandsk skoleidræt”-ip, pilersaarutaa Naalakkersuisunit suleqataaffigineqarnissaa pilersaarutaanerluni?**

(Inatsisartuni ilaasorta, Malik Berthelsen Siumut)

Naluneqanngilaq meeqqat atuarfiini timersorneq pinngitsoorani atuartitsissutigineqartussatut piunasaqaataanngitsoq.

Inuusuttunngornermi ilinniagaqalernissamut timersorneq matematikimit, qallunaatoornermit tuluttoornermillu soorunami pingaarnerusutut oqaatigineqarsinnaanngitsoq nalunngilarput. Taamaakkaluortoq timersortartuugutta timersortatuunngikkuttaluunniit tamatsinnut inuunermi peqqissuunissaq pingaaruteqarnerpaat ilagigaat nalunngilarput. Peqqissuunissarlu taamaallaat timimik aalatitsisarnikkut peqqinnartunillu nerisaqarnikkut anguneqarsinnaavoq.

Misissuinerit takutippaat nuna tamakkerlugu sapaatip akunneranut 1 tiimi imaluunniit ataallugu meeqqat 36,7%-ii timiminnik aalatitsisarput.

Taamaattumik paaserusukkaluarpara atuarfinni timersornerup pinngitsoorani atuartitsissutitut ikkuteqqinnissaa Naalakkersuisut pilersaarutigineraat? Taamaattoqassappallu Sapaatip akunneranut tiimit qanoq amerlatigisut eqqarsaatigineqarpat?

Grønlandsk skoleidræt-ip pilersinniarneqarnera IA-ip Siumullu Inatsisartunut ilaasortaatitaaniit KANUKOKA-miillu soqutigineqartup isumaqatigineqartullu pilersinniarneqarnera Naalakkersuisuniit qanormita isumaqarfigineqarparpa? Tapersersorneqarpallu Naalakkersuisut sutigut tapersersorneqarnissaa naatsorsuutigissavarput.